


十三經註

仁
449
44



門 口 12
疏
卷

波
21
47

東

春秋左傳註卷第十八

文五年
盡十年

晉 杜 預 註

所錢支
有恂那

經五年春王正月王使榮叔歸含且贈

贈芳
鳳反

珠王曰含含口實車馬曰贈

三月辛亥葬我小君成風

無傳反哭成喪故曰葬我小君

王使召伯來會葬

春秋左傳 卷十八 文公 一 皆古婁

召伯天子卿也召采地伯爵也來不及葬
不譏者不失五月之內

夏公孫敖如晉

無傳

秦人入郟

都音若

入例在十五年

秋楚人滅六

六國今廬江六縣

冬十月甲申許男業卒

無傳與僖公六同盟

傳五年春王使榮叔來會且贈召昭公來會
葬禮也

成風莊公之妾天子以夫人禮贈之明母
以子貴故曰禮

初郟叛楚即秦又貳於楚夏秦人入郟

六人叛楚即東夷秋楚成大心仲歸帥師滅

左傳

卷十八

文公

二

昔古甚

六

仲歸子家

冬楚子燮滅蓼臧文仲聞六與蓼滅曰臯陶
庭堅不祀忽諸德之不建民之無援哀哉

音蓼

了陶音遙

蓼國今安豐縣蓼與六皆臯陶後也傷

二國之君不能建德結援大國忽然而亡

晉陽處父聘于衛反過甯甯嬴從之及溫而

還其妻問之嬴曰以剛商書曰沈漸剛克高
明柔克夫子壹之其不沒乎天為剛德猶不
干時況在人乎且華而不實怨之所聚也犯
而聚怨不可以定身余懼不獲其利而離其
難是以去之

嬴音盈漸似廉反難乃且反

甯晉邑汲郡修武縣也嬴逆旅大夫沈漸

猶滯溺也高明猶亢爽也言各當以剛柔

勝己本性乃能成全也此在洪範今謂之

水火左傳卷十八 文公 三 嘗古婁

周書夫子壹之謂陽子性純剛天不干時
寒暑相順華而不實謂言過其行犯而聚
怨惟剛則犯人懼離其難為六年晉殺處
父傳

晉趙成子欒貞子霍伯曰季皆卒

成子趙衰新上軍帥中軍佐也貞子欒枝
下軍帥也霍伯先且居中軍帥也曰季胥
臣下軍佐也為六年蒐於夷傳

經六年春葬許僖公

無傳

夏季孫行父如陳

行父季友孫

秋季孫行父如晉

八月乙亥晉侯驪卒

再同盟

冬十月公子遂如晉葬晉襄公

春秋左傳

卷十八

文公

四

晉古婁

卿共葬事文襄之制也三月而葬速

晉殺其大夫陽處父

處父侵官宜為國討故不言賈季殺

晉狐射姑出奔狄

射音亦

射姑狐偃子賈季也奔例在宣十年

閏月不告月猶朝于廟

諸侯每月必告朔聽政因朝宗廟文公以

閏非常月故闕不告朔怠慢政事雖朝于

廟則如勿朝故曰猶猶者可止之辭

傳六年春晉蒐于夷舍二軍使狐射姑將中

軍趙盾佐之陽處父至自温改蒐于董易中

軍陽子成季之屬也故黨於趙氏且謂趙盾

能曰使能國之利也是以上之宣子於是乎

始為國政制事典正法罪辟刑獄董道逃由

質要治舊滂本秩禮續常職出滯淹既成以

授大傅陽子與大師賈佗使行諸晉國以為

春秋左傳卷十八 文公 五 皆古婁

春秋

和古林

常法

將子匠反盾徒本反辟婢亦反
通補吾反洿音烏佗徒何反

僖三十一年晉蒐清原作五軍今舍二軍
復三軍之制夷晉地前年四卿卒故蒐以
謀軍帥使狐射姑代先且居趙盾代趙衰
也盾趙衰子陽處父往年聘衛過温今始
至改蒐易中軍易以趙盾為帥射姑佐之
河東汾陰縣有董亭陽子成季之屬處父
常為趙盾屬大夫宣趙盾諡典常也正法

罪謂輕重當辟猶理也董督也由用也質
要券契也治舊洿治理洿穢本秩禮貴賤
不失其本續常職修廢官出滯淹拔賢能
也賈佗以公族從文公而不在五人之數
臧文仲以陳衛之睦也欲求好於陳夏季文
子聘于陳且娶焉

臣非君命不越竟故因聘而自為娶

秦伯任好卒以子卓氏之三子奄息仲行鍼

季火左傳

卷十八

文公

六

稽古樓

春秋
虎爲殉皆秦之良也國人哀之爲之賦黃鳥
君子曰秦穆之不爲盟主也宜哉死而棄民
先王違世猶詒之法而況奪之善人乎詩曰
人之云亡邦國殄瘁無善人之謂若之何奪
之古之王者知命之不長是以竝建聖哲樹
之風聲分之采物著之話言爲之律度陳之
藝極引之表儀予之法制告之訓典教之防
利委之常秩道之以禮則使毋失其土宜眾

稽古

隸賴之而後卽命聖王同之今縱無法以遺
後嗣而又收其良以死難以在上矣君子是
以知秦之不復東征也任音壬行戶郎反鍼其廉反殉似俊反瘁反似醉

任好秦穆公名子車秦大夫氏也以人從
葬爲殉黃鳥詩秦風義取黃鳥止于棘桑
往來得其所傷三良不然詩大雅言善人
亡則國瘁病建聖哲謂建立聖知以司牧

民樹風聲因土地風俗爲立聲教之法分之采物旌旗衣服各有分制著之話言話善也爲作善言遺戒律度謂鍾律度量所以治歷明時藝準也極中也貢獻多少之法傳曰貢之無藝又曰貢獻無極引道也表儀猶威儀訓典先王之書防利謂防惡興利委任也常秩官司之常職卽就也不復東征不能復征討東方諸侯爲霸王

秋季文子將聘于晉使求遭喪之禮以行其人曰將焉用之文子曰備豫不虞古之善教也求而無之實難過求何害

季文子季孫行父也求遭喪之禮聞晉侯疾故其人從者求而無之實難卒得過求何害所謂文子三思

八月乙亥晉襄公卒靈公少晉人以難故欲立長君趙孟曰立公子雍好善而長先君愛

春秋左傳

卷十八

文公

八

晉古婁

之且近於秦秦舊好也置善則固事長則順
立愛則孝結舊則安為難故欲立長君有
此四德者難必抒矣賈季曰不如立公子樂
辰嬴嬖於二君立其子民必安之趙孟曰辰
嬴賤班在九人其子何震之有且為二嬖淫
也為先君子不能求大而出在小國辟也母
淫子辟無威陳小而遠無援將何安焉杜祁
以君故讓伯姑而上之以狄故讓季隗而已

次之故班在四先君是以愛其子而仕諸秦
為亞卿焉秦大而近足以為援母義子愛足
以威民立之不亦可乎使先蔑士會如秦逆
公子雍賈季亦使召公子樂于陳趙孟使殺
諸郕難去聲長上聲抒直呂反樂音岳
辟匹亦反姑其乙反郕婢支反

晉人欲立長君以立少君恐有難趙孟趙
盾也公子雍文公子襄公庶弟杜祁之子
抒除也樂文公子辰嬴懷嬴也二君懷公

文公也班位也震威也杜祁杜伯之後祁
姓也偪姑姑姓之女生襄公爲世子故杜
祁讓使在已上以季隗是文公託狄時妻
故復讓之然則杜祁本班在二仕秦爲亞
卿亞次也言其賢故位尊先蔑士伯也士
會隨季也鄭晉地

賈季怨陽子之易其班也面知其無援於晉
也九月賈季使續鞠居殺陽處父書曰晉殺

其大夫侵官也

賈季怨陽子本中軍帥易以爲佐無援于
晉謂少族多怨鞠居狐氏之族君已命帥
處父易之故曰侵官

冬十月襄仲如晉葬襄公

十一月丙寅晉殺續簡伯賈季奔狄宣子使
與駢送其帑夷之蒐賈季戮與駢與駢之人
欲盡殺賈氏以報焉與駢曰不可吾聞前志

春秋

稽古

有之曰敵惠敵怨不在後嗣忠之道也夫子禮於賈季我以其寵報私怨無乃不可乎介人之寵非勇也損怨益仇非知也以私害公非忠也釋此三者何以事夫子盡具其帑與其器用財賄親帥扞之送致諸竟與羊朱反 駢蒲賢反

簡伯續鞠居十一月無丙寅丙寅十二月

八日也日月必有誤帑妻子也宣子以賈

帑音奴扞戶且反

季中軍之佐同官故送其帑敵怨不在後嗣敵猶對也若及子孫則為非對非對則為遷怒其寵言已蒙宣子寵位介因也損怨益仇謂殺季家欲以除怨宣子將復怨已是益仇扞衛也

閏月不告朔非禮也閏以正時時以作事事以厚生生民之道於是乎在矣不告閏朔棄時政也何以為民

春秋左傳

卷十八

文公

十一

曾古婁

經稱告月傳稱告朔明告月必以朔閏以正時四時漸差則致閏以正之順時命事事不失時則年豐

經七年春公伐邾

三月甲戌取須句

句其俱反

須句魯之封內屬國也僖公反其君之後邾復滅之書取易也例在襄十三年

遂城邾

邾音吾

無傳因伐邾師以城邾邾魯邑卞縣南有

邾城備邾難

夏四月宋公王臣卒

二年與魯大夫盟於垂隴

宋人殺其大夫

宋人攻昭公并殺二大夫故以非罪書

戊子晉人及秦人戰于令狐

令力呈反

趙盾廢嫡而外求君故貶稱人晉諱皆先

春秋左傳

卷十八

文公

十三

晉古婁

茂而夜薄秦師以戰告

晉先蔑奔秦

不言出在外奔

狄侵我西鄙

秋八月公會諸侯晉大夫盟于扈

扈鄭地滎陽卷縣西北有扈亭不分別書
會人總言諸侯晉大夫盟者公後會而及
其盟

冬徐伐莒

不書將帥徐夷告辭略

公孫敖如莒涖盟

傳七年春公伐邾聞晉難也

公因霸國有難而侵小

三月甲戌取須句寘文公子焉非禮也

邾文公子叛在魯故公使為守須句大夫
也絕大皞之祀以與鄰國叛臣故曰非禮

左傳卷十八 文公 十三 晉古婁

春秋
夏四月宋成公卒於是公子成爲右師公孫
友爲左師鱗曜爲司徒公子蕩爲司城華御
事爲司寇昭公將去羣公子樂豫曰不可公
族公室之枝葉也若去之則本根無所庇廕
矣葛藟猶能庇其本根故君子以爲比況國
君乎此諺所謂庇焉而縱尋斧焉者也必不
可君其圖之親之以德皆股肱也誰敢搆貳
若之何去之不聽穆襄之族率國人以攻公

殺公孫固公孫鄭于公宮六卿和公室樂豫
舍司馬以讓公子邛昭公卽位而葬書曰宋
人殺其大夫不稱名眾也且言非其罪也古

亂反御魚呂反陰於鳩
反轟力軌反邛五郎反

成莊公子友日夷子樂豫戴公立孫鱗曜
桓公孫蕩桓公子也以武公名廢司空爲
司城華御事華元父也傳言六卿皆公族
昭公不親信之所致亂葛藟猶庇其本

春秋左傳卷十八 文公 十四 嘗與婁

根言葛之能藟蔓繫滋者以本枝廕床之多君子以為比謂詩人取以喻九族兄弟縱放也穆公襄公之子孫昭公所欲去者固鄭二子在公宮故為亂兵所殺即昭公弟書宋人殺其大夫不稱殺者及死者名殺者眾故名不可知死者無罪則例不稱名

秦康公送公子雍于晉曰文公之人也無衛

故有呂卻之難乃多與之徒衛穆嬴日抱大子以啼于朝曰先君何罪其嗣亦何罪舍適嗣不立而外求君將焉寘此出朝則抱以適趙氏頓首於宣子曰先君奉此子也而屬諸子曰此子也才吾受子之賜不才吾唯子之怨今君雖終言猶在耳而棄之若何宣子與諸大夫皆患穆嬴且畏偪乃皆先蔑而立靈公以禦秦師箕鄭居守趙盾將中軍先克佐

春秋
之荀林父佐上軍先蔑將下軍先都佐之步
招御戎戎津爲右及董陰宣子曰我若受秦
秦則賓也不受寇也既不受矣而復緩師秦
將生心先人有奪人之心軍之善謀也逐寇
如追逃軍之善政也訓卒利兵秣馬辱食潛
師夜起戊子敗秦師于令狐至于劔首己丑
先蔑奔秦士會從之先蔑之使也荀林父止
之曰夫人大子猶在而外求君此必不行子

春秋
卷十八
文公
共
晉古史

以疾辭若何不然將及攝卿以往可也何必
子同官爲寮吾嘗同寮敢不盡心乎弗聽爲
賦板之三章又弗聽及亡荀伯盡送其帑及
其器用財賄於秦曰爲同寮故也士會在秦
三年不見士伯其人曰能亡人於國不能見
於此焉用之士季曰吾與之同罪非義之也
將何見焉及歸遂不見

佩董音謹壽音辱劓
苦胡反寮力彫反
子難乃旦反適同嬭將
子匠反屬音燭皆音

春秋左傳卷十八 文公 共 晉古史

僖二十四年文公入穆嬴襄公夫人靈公
母也先君屬諸子欲使宣子教訓之言猶
在耳在宣子之耳畏偪畏國人以大義來
偪已先克佐中軍克先且居子代狐射姑
林父佐上軍箕鄭將上軍居守故佐獨行
先蔑士會逆公子雍前還晉晉人始以逆
雍出軍卒然變討立靈公故車右戎御猶
在職董陰晉地奪人謂奪敵之戰心也葇

是早食於寢葇也先蔑奔秦從刳首去也
令狐在河東當與刳首相接不然將及謂
禍將及已板詩大雅其三章義取芻蕘之
言猶不可忽況同寮乎同寮謂僖二十八
年林父將中行先蔑將左行荀伯卽林父
士伯卽先蔑亡人於國言能與人俱亡於
晉國焉用之言何用如此與之同罪謂俱
有迎公子雍之罪非義之言已非慕先蔑

之義而從之及歸不見責先蔑為正卿而不匡諫且俱出奔惡有黨也士會歸在十

三年

狄侵我西鄙公使告于晉趙宣子使因賈季問酈舒且讓之酈舒問於賈季曰趙衰趙盾孰賢對曰趙衰冬日之日也趙盾夏日之日

也酈若忠反

酈舒狄相讓謂讓其伐魯冬日可愛夏日

可畏

秋八月齊侯宋公衛侯陳侯鄭伯許男曹伯會晉趙盾盟于扈晉侯立故也公後至故不書所會凡會諸侯不書所會後也後至不書其國辟不敏也

不書所會謂不具列公侯及卿大夫此傳還自釋凡例之意

穆伯娶于莒曰戴已生文伯其姊聲已生惠

春秋左傳

卷十八

文公

十六

皆左傳

叔戴已卒又聘于莒莒人以聲已辭則爲襄
仲聘焉冬徐伐莒莒人來請盟穆伯如莒蒞
盟且爲仲逆及鄆陵登城見之美自爲娶之
仲請攻之公將許之叔仲惠伯諫曰臣聞之
兵作於內爲亂於外爲寇寇猶及人亂自及
也今臣作亂而君不禁以啓寇讎若之何公
止之惠伯成之使仲舍之公孫敖反之復爲
兄弟如初從之

則爲且爲自爲
並去聲舍音捨

穆伯公孫敖也文伯穀也惠叔難也襄仲
公孫敖從父昆弟莒人請盟見伐故欲結
援鄆陵莒邑惠伯叔牙孫成之平二子舍
之舍不娶反之還莒女兄弟如初爲明年

公孫敖奔莒傳

晉卻缺言於趙宣子曰日衛不睦故取其地
今已睦矣可以歸之叛而不討何以示威服
而不柔何以示懷非威非懷何以示德無德

春秋左傳

卷十八

文公

十九

晉古樓

春和
何以主盟子爲正卿以主諸侯而不務德將
若之何夏書曰戒之用休董之用威勸之以
九歌勿使壞九功之德皆可歌也謂之九歌
六府三事謂之九功水火金木土穀謂之六
府正德利用厚生謂之三事義而行之謂之
得禮無禮不樂所由叛也若吾子之德莫可
歌也其誰來之盍使睦者歌吾子乎宣子說
之

日往日取衛地在元年柔安也夏書逸書
戒之用休有休則戒之以勿休董督也有
罪則督之以威刑德正德也禮以制財用
之節又以厚生民之命來猶歸也宣子說
之爲明年晉歸鄭衛田張本

經八年春王正月

夏四月

秋八月戊申天王崩

春秋左傳

卷十八

文公

二十

皆古婁

春秋

釋古

冬十月壬午公子遂會晉趙盾盟于衡雍雍於

反用

壬午月五日

乙酉公子遂會雒戎盟于暴雒音

乙酉月八日也暴鄭地公子遂不受命而

盟宜去族善其解國患故稱公子以貴之

公孫敖如京師不至而復丙戌奔莒

不言出受命而出自外行

螽

無傳為災故書

宋人殺其大夫司馬宋司城來奔

司馬死不舍節司城奉身而退故皆書官

而不名貴之

傳八年春晉侯使解揚歸匡戚之田于衛且

復致公壻池之封自申至于虎牢之竟解音壻音

細音

春秋左傳

卷十八

文公

三

皆古婁

匡本衛邑中屬鄭孔達伐不能克今晉令鄭還衛及取戚田皆見元年公壻池晉君女壻又取衛地以封之今并還衛也申鄭地傳言趙盾所以能相幼主而盟諸侯夏秦人伐晉取武城以報令狐之役令狐役在七年

秋襄王崩

為公孫放如周弔傳

晉人以扈之盟來討

前年盟扈公後至

冬襄仲會晉趙孟盟于衡雍報扈之盟也遂會伊維之戎書曰公子遂珍之也

伊維之戎將伐魯公子遂不及復君故專命與之盟珍貴也大夫出竟有可以安社稷利國家者專之可也

穆伯如周弔喪不至以幣奔莒從已氏焉

春秋左傳

卷十八

文公

三

晉古婁

已氏莒氏

宋襄夫人襄王之姊也昭公不禮焉夫人因戴氏之族以殺襄公之孫孔叔公孫鍾離及大司馬公子卬皆昭公之黨也司馬握節以死故書以官司城蕩意諸來奔效節於府人而出公以其官逆之皆復之亦書以官皆貴之也

襄夫人昭公適祖母戴氏之族華樂皇皆

戴族節國之符信也握之以死示不廢命效猶致也意諸公子蕩之孫以官逆之謂卿違從大夫公賢其效節故以本官逆之請宋而復之司城官屬悉來奔故言皆復夷之蒐晉侯將登箕鄭父先都而使士穀梁益耳將中軍先克曰狐趙之勳不可廢也從之先克奪蒯得田于萁陰故箕鄭父先都士穀梁益耳蒯得作亂

登謂登之於上軍也夷蒐在六年士穀本
司空狐趙之勳狐偃趙衰有從亡之勳七
年晉禦秦師於董陰先克以軍事奪其田
也先克中軍佐箕鄭等作亂為明年殺先
克張本

經九年春毛伯來求金

求金以共葬事雖踰年而未葬故不稱王
使

夫人姜氏如齊

無傳歸寧

二月叔孫得臣如京師辛丑葬襄王

卿共葬事禮也

晉人殺其大夫先都

下軍佐也以作亂討故書名

三月夫人姜氏至自齊

無傳告于廟

春秋

晉人殺其大夫士穀及箕鄭父

與先都同罪也

楚人伐鄭

楚子師于狼淵不親伐

公子遂會晉人宋人衛人許人救鄭

夏狄侵齊

無傳

秋八月曹伯襄卒

無傳七年同盟于扈

九月癸酉地震

無傳地道安靜以動為異故書

冬楚子使椒來聘

稱君以使大夫其禮辭與中國同椒不書

氏史略文

秦人來歸僖公成風之襚

襚音遂

衣服曰襚秦辟陋故不稱使不稱夫人從

春秋左傳

卷十八

文公

三

晉古婁

和古

來者辭

葬曹共公

無傳

傳九年春王正月己酉使賊殺先克乙丑晉人殺先都梁益耳

賊殺先克箕鄭等所使也亂殺先克不赴故不書乙丑正月十九日經書二月從告亡伯衛來求金非禮也不書王命未葬也

天子不私求財故曰非禮

二月莊叔如周葬襄王

三月甲戌晉人殺箕鄭父士穀崩得

梁益耳崩得不書皆非卿

范山言於楚子曰晉君少不在諸侯北方可圖也楚子師于狼淵以伐鄭囚公子堅公子尤及樂耳鄭及楚平

范山楚大夫楚陳師狼淵為伐鄭援也穎

春秋左傳

卷十八

文公

三

晉古婁

川穎陰縣西有狼陂堅堯樂耳三子鄭大夫

公子遂會晉趙盾宋華耦衛孔達許大夫救鄭不及楚師卿不書緩也以懲不恪

華耦華父督曾孫公子遂獨不在貶者諸魯事自非指為其國褒貶則皆從國史不同之於他國此春秋大意他皆放此

夏楚侵陳克壺邱以其服於晉也

壺邱陳邑

秋楚公子朱自東夷伐陳陳人敗之獲公子莜陳懼乃及楚平

子朱息公也以小勝大故懼而請平也傳言晉君少楚陵中國明年所以有厥貉之會

冬楚子越椒來聘執幣傲叔仲惠伯曰是必滅若敖氏之宗傲其先君神弗福也

春秋左傳

卷十八

文公

三

晉占婁

子越椒令尹子文從子傲不敬十二年傳
曰先君之敝器使下臣致諸執事明奉使
皆告廟故言傲其先君也爲宣四年楚滅
若敖氏張本

秦人來歸僖公成風之祿禮也諸侯相弔賀
也雖不當事苟有禮焉書也以無忘舊好
秦慕諸夏欲通敬於魯因有翟泉之盟故
追贈僖公并及成風本非魯方嶽同盟無

相赴弔之制故不譏其緩而以接好爲禮
送死不及尸故曰不當事書者書於典策
垂示子孫使無忘過厚之好

經十年春王三月辛卯臧孫辰卒

無傳公與小斂故書曰

夏秦伐晉

不稱將帥告辭略

楚殺其大夫宜申

春秋左傳

卷十八

文公

二十

晉古婁

宜申子西也謀弑君故書名

自正月不雨至于秋七月

無傳義與二年同

及蘇子盟于女栗女音汝

女栗地名闕蘇子周卿士頃王新立故與

魯盟親諸侯也

冬狄侵宋

無傳

楚子蔡侯次于厥貉

厥貉地名闕將伐宋而未行故書次

傳十年春晉人伐秦取少梁夏秦伯伐晉取

北徵

少梁馮翊夏陽縣秦取北徵報少梁

初楚范巫嚮似謂成王與子玉子西曰三君

皆將強死城濮之役王思之故使止子玉曰

毋死不及止子西子西縊而縣絕王使適至

春秋左傳卷十八 文公 无 晉古婁

遂止之使為商公泆漢沂江將入郢王在渚
 宮下見之懼而辭曰臣免於死又有讒言謂
 臣將逃臣歸死於司敗也王使為工尹又與
 子家謀弑穆王穆王聞之五月殺鬬宜申及
 仲歸商尹必反強其丈反縣音懸泆
 悅專反沂息路反郢以井反
 商似范邑之巫城濮之役在僖二十八年
 商楚邑今上維商縣泆順流沂逆流小洲
 日渚臣歸死於司敗陳楚名司寇為司敗

子西畏讒言不敢之商縣工尹掌百工之

官仲歸子家不書非卿

秋七月及蘇子盟于女栗頃王立故也陳侯
 鄭伯會楚子于息冬遂及蔡侯次于厥貉將
 以伐宋宋華御事曰楚欲弱我也先為之弱
 乎何必使誘我我實不能民何罪乃逆楚子
 勞且聽命遂道以田孟諸宋公為右孟鄭伯
 為左孟期思公復遂為右司馬子朱及文之

無畏為左司馬命夙駕載燧宋公違命無畏
 扶其僕以徇或謂子舟曰國君不可戮也子
 舟曰當官而行何彊之有詩曰剛亦不吐柔
 亦不如母縱詭隨以謹罔極是亦非辟彊也
 敢愛死以亂官乎勞力報反孟音于
燧音遂扶眠乙反
 僖十年狄滅溫蘇子奔衛今復見蓋王復
 之陳鄭及宋麋子不書者宋鄭執卑苟免
 為楚僕任受役於司馬麋子恥之遂逃而

歸三君失位降爵故不列於諸侯宋鄭猶
 然則陳侯必同也何必使誘我時楚欲誘
 呼宋共戰御事華元父孟諸宋大藪也在
 梁國睢陽縣東北孟田獵陳名復遂楚期
 思邑公今弋陽期思縣子朱無畏為左司
 馬謂將獵張兩甄故置二左司馬然則右
 司馬一人當中央燧取火者違命謂不夙
 駕載燧子舟無畏字詩大雅美仲山甫不

辟彊禦詩大雅詭人隨人無正心者謹猶
慎也罔無也極中也不敢愛死為宣十四
年宋人殺子舟張本

厥貉之會麋子逃歸

為明年楚子伐麋傳

春秋左傳註卷第十八終

春秋左傳註卷第十九

文十一年
盡十五年

晉 杜 預 註

經十有一年春楚子伐麋

麋九
倫反

討前年逃厥貉會

夏叔仲彭生會晉郤缺于承筐

承筐宋地在陳畱襄邑縣西彭生叔仲惠

伯郤缺冀缺

秋曹伯來朝

春秋左傳 卷十九 文公 一 晉古婁

公子遂如宋

狄侵齊

冬十月甲午叔孫得臣敗狄于鹹

鹹魯地

十一年春楚子伐麋成大心敗麋師于防

渚潘崇復伐麋至于錫穴

復扶又反錫音羊

成大心子玉之子大孫伯也防渚麋地錫

穴麋地

夏叔仲惠伯會晉卻缺于承匡謀諸侯之從於楚者

九年陳鄭及楚平十年宋聽楚命

秋曹文公來朝即位而來見也

見賢通反

襄仲聘于宋且言司城蕩意諸而復之因賀

楚師之不害也

八年意諸來奔歸不書史失之楚師不害

往來楚次厥貉將以伐宋

鄭 乘 四 人 共 車

鄭 瞞 侵 齊 遂 伐 我 公 卜 使 叔 孫 得 臣 追 之 吉

侯 叔 夏 御 莊 叔 繇 房 甥 為 右 富 父 終 甥 駟 乘

鄭 所 求 反 瞞 莫 干 反 夏 戶 雅 反 乘 繩 證 反

鄭 瞞 狄 國 名 防 風 之 後 漆 姓 莊 叔 得 臣 駟

乘 四 人 共 車

冬 十 月 甲 午 敗 狄 于 鹹 獲 長 狄 僑 如 富 父 終

甥 搆 其 喉 以 戈 殺 之 埋 其 首 於 子 駒 之 門 以

命 宣 伯 初 宋 武 公 之 世 鄭 瞞 伐 宋 司 徒 皇 父

帥 師 禦 之 彫 斑 御 皇 父 充 石 公 子 穀 甥 為 右

司 寇 牛 父 駟 乘 以 敗 狄 于 長 邱 獲 長 狄 緣 斯

皇 父 之 二 子 死 焉 宋 公 於 是 以 門 賞 彫 斑 使

食 其 征 謂 之 彫 門 晉 之 滅 潞 也 獲 僑 如 之 弟

焚 如 齊 襄 公 之 二 年 鄭 瞞 伐 齊 齊 王 子 成 父

獲 其 弟 榮 如 埋 其 首 於 周 首 之 北 門 衛 人 獲

其 季 弟 簡 如 鄭 瞞 由 是 遂 亡

僑 其 驕 反 搆 舒 容 反 喉 音 侯 禦

魚 呂 反 彫 音 而

春秋左傳 卷十九 文公 三 晉 占 農

僑如鄭瞞國之君蓋長三丈獲僑如不書
 賤夷狄也椿猶衝也子駒魯郭門骨節非
 常恐後世恠之故詳其處得臣待事而名
 其三子因名宣伯曰僑如以旌其功鄭瞞
 伐宋在春秋前皇父戴公子充石皇父名
 長邱宋地緣斯僑如之先敗狄長邱皇父
 與穀甥及牛父皆死故彤斑獨受賞門關
 門征稅也滅潞在宣十五年齊襄二年魯

桓之十六年榮如焚如之弟焚如後死而
 先說者欲其兄弟伯季相次榮如以魯桓
 十六年死至宣十五年一百三歲其兄猶
 在傳言既長且壽有異於人王子成父齊
 大夫周首齊邑濟北穀城縣東北有周首
 亭衛獲簡如以伐齊退走至衛見獲鄭瞞
 遂亡長狄之種絕

鄭大夫朱儒自安於夫鍾國人弗徇

鄭音成夫音扶

春秋

後以

安處也夫鍾鄣邑徇順也弗徇為明年鄣

伯來奔傳

經十有二年春王正月鄣伯來奔

稱爵見公以諸侯禮迎之

杞伯來朝

復稱伯舍夷禮

二月庚子子叔姬卒

既嫁成人雖見出棄猶以恩錄其卒

夏楚人圍巢

巢吳楚閒小國廬江六縣東有居巢城

秋滕子來朝秦伯使術來聘

術不稱氏史略文

冬十有二月戊午晉人秦人戰于河曲

不書敗績交綏而退不大崩也稱人秦晉

無功以微者告也皆陳曰戰例在莊十一

春秋左傳

卷十九

文公

五

晉古婁

年河曲在河東蒲坂縣南

季孫行父帥師城諸及鄆

鄆音運

鄆莒魯所爭者城陽姑幕縣南有員亭員

卽鄆也以其遠偏外國故帥師城之

傳十二年春邾伯卒邾人立君天子以夫鍾

與邾邾來奔公以諸侯逆之非禮也故書曰

邾伯來奔不書地尊諸侯也

邾音圭

邾人立君以天子自安於外邑故邾邾亦

邑謂之非禮非公寵叛人不書地者既尊

以為諸侯故不復見其竊邑之罪

杞桓公來朝始朝公也且請絕叔姬而無絕

昏公許之二月叔姬卒不言杞絕也書叔姬

言非女也

公即位杞始來朝不絕昏立其姊以為夫

人不書來歸未笄而卒二月叔姬卒既許

其絕故不言杞書叔姬非女也女未嫁而

春秋左傳

卷九

文公

六

管古婁

卒不書

楚令尹大孫伯卒成嘉為令尹羣舒叛楚夏子孔執舒子平及宗子遂圍巢

成嘉若敖會孫子孔羣舒偃姓舒庸舒鳩

之屬今廬江南有舒城舒城西南有龍舒

平舒君名宗巢二國羣舒之屬

秋滕昭公來朝亦始朝公也

秦伯使西乞術來聘且言將伐晉襄仲辭玉

曰君不忘先君之好照臨魯國鎮撫其社稷

重之以大器寡君敢辭玉對曰不腆敝器不

足辭也主人三辭賓答曰寡君願徼福于周

公魯公以事君不腆先君之敝器使下臣致

諸執事以為瑞節要結好命所以藉寡君之

命結二國之好是以敢致之襄仲曰不有君

子其能國乎國無陋矣厚賄之好呼報反腆他典反徼古

堯反藉在夜反賄呼罪反

大器圭璋也不欲與秦為好故辭玉腆厚也微要也魯公伯禽也言願事君以并蒙先君之福節信也出聘必告廟故稱先君之器藉薦也賄贈送也

秦為令狐之役故冬秦伯伐晉取羈馬晉人禦之趙盾將中軍荀林父佐之卻缺將上軍史駢佐之欒盾將下軍荀甲佐之范無恤御戎以從秦師于河曲史駢曰秦不能久請深

壘固軍以待之從之秦人欲戰秦伯謂士會曰若何而戰對曰趙氏新出其屬曰史駢必實為此謀將以老我師也趙有側室曰穿晉君之婿也有寵而弱不在軍事好勇而狂且惡史駢之佐上軍也若使輕者肆焉其可秦伯以璧祈戰于河十二月戊午秦軍掩晉上軍趙穿追之不及反怒曰裹糧坐甲固敵是求敵至不擊將何俟焉軍吏曰將有待也穿

春秋
曰我不知謀將獨出乃以其屬出宣子曰秦
獲穿也獲一卿矣秦以勝歸我何以報乃皆
出戰交綏秦行人夜戒晉師曰兩君之士皆
未憚也明日請相見也史駢曰使者日動而
言肆懼我也將遁矣薄諸河必敗之胥甲趙
穿當軍門呼曰死傷未收而棄之不惠也不
待期而薄人於險無勇也乃止秦師夜遁復
侵晉人瑕為合于偽反將子匠反少許照反
輕遣政反襄音果日使所吏反復

扶又反

令狐役在七年羈馬晉邑晉人禦秦師林
父代先克卻缺代箕鄭史駢代林父欒枝
子代先蔑胥臣子代先都范無恤代步昭
士會晉士會七年奔秦趙氏新出其屬謂
史駢趙盾屬大夫新出佐上軍側室支子
穿趙夙庶孫弱年少也又未嘗涉知軍事
肆暫往而退也祈戰于河謂禱求勝秦掩

春秋左傳卷十九 文公 九 晉古樓

晉上軍上軍不動趙穿獨追之有待謂待
可擊僖三十二年晉侯以一命命卻缺為
卿不有軍帥之數然則晉自有散位從卿
者司馬法曰遂奔不遠從綏不及逐奔不
遠則難誘從綏不及則難陷然則古名退
軍為綏秦晉志未能堅戰短兵未至爭而
兩退故曰交綏懋缺也目動心不安言肆
聲放失常節薄追也晉師止為宣元年放

胥甲傳

城諸及鄆書時也

經十有三年春王正月

夏五月壬午陳侯朔卒

無傳再同盟

邾子蘧蒢卒

蘧其居反蒢丈居反

未同盟而赴以名

自正月不雨至于秋七月

春秋左傳

卷十九

文公

十

晉古書

無傳義與二年同

大室屋壞

大音泰

大廟之室

冬公如晉衛侯會公于沓

沓徒答反

沓地闕

狄侵衛

無傳

十有二月己丑公及晉侯盟

十二月無己丑己丑十一月十一日

公還自晉鄭伯會公于棐

棐非尾反

棐鄭地

傳十三年春晉侯使詹嘉處瑕以守桃林之塞晉人患秦之用士會也夏六卿相見於諸浮趙宣子曰隨會在秦賈季在狄難日至矣若之何中行桓子曰請復賈季能外事且由舊勳卻成子曰賈季亂且罪大不如隨會能

春秋左傳

卷十九

文公

十一

晉書

賤而有恥柔而不犯其知足使也且無罪乃
使魏壽餘偽以魏叛者以誘士會執其帑於
晉使夜逸請自歸于秦秦伯許之履士會之
足於朝秦伯帥于河西魏人在東壽餘曰請
東人之能與夫二三有司言者吾與之先使
士會士會辭曰晉人虎狼也若背其言臣死
妻子為戮無益於君不可悔也秦伯曰若背
其言所不歸爾帑者有如河乃行繞朝贈之

卷十九

晉書

以策曰子無謂秦無人吾謀適不用也既濟

魏人諛而還秦人歸其帑其處者為劉氏

廉反塞悉代反難乃旦反行司郎反其知音
智帑音奴與夫音扶背音佩下同諫素報反
還音旋

詹嘉晉大夫賜其瑕邑令帥眾守桃林以
備秦桃林在宏農華陰縣東潼關諸浮晉
地賈季在狄六年賈季奔狄中行桓子荀
林父也僖二十八年始將中行故以為氏

春秋左傳卷十九 文公 十三 晉書

由舊勳謂有狐偃之舊勳亂且罪大以殺
 陽處父故不犯不可犯以不義魏壽餘畢
 萬之後幣壽餘子許之許受其邑躡士會
 足欲使行也秦師于河西將取魏也魏人
 在東今河北縣於秦為在河之東吾與之
 先謂欲與晉人在秦者共先告喻魏有司
 士會辭行示已無去心有如河者言必歸
 其妻子明白如河策馬櫛臨別授之馬櫛

並示已所策以展情繞朝秦大夫無謂秦
 無人示已覺其情也謙而還喜得士會其
 處者為劉氏士會堯後劉累之胤別族復
 累之姓

邾文公卜遷于繹史曰利於民而不利於君
 邾子曰苟利於民孤之利也天生民而樹之
 君以利之也民既利矣孤必與焉左右曰命
 可長也君何弗為邾子曰命在養民死之短

長時也民苟利矣遷也吉莫如之遂遷于繹

五月邾文公卒君子曰知命繹音亦與音預

繹邾邑魯國鄒縣北有繹山左右以一人

之命為言文公以百姓之命為主一人之

命各有短長不可如何百姓之命乃傳世

無窮故徙之

秋七月大室之屋壞書不共也

簡慢宗廟使至傾頽故書以見臣子不共

冬公如晉朝且尋盟衛侯會公于沓請平于

晉公還鄭伯會公于棐亦請平于晉公皆成

之鄭伯與公宴于棐子家賦鴻鴈季文子曰

寡君未免於此文子賦四月子家賦載馳之

四章文子賦采芾之四章鄭伯拜公答拜

鄭衛貳于楚畏晉故因公請平子家鄭大

夫公子歸生也鴻鴈詩小雅義取侯伯哀

恤鰥寡有征行之勞言鄭國寡弱欲使魯

侯還晉恤之寧君未免於此言亦同有微
弱之憂四月詩小雅義取行役踰時思歸
祭祀不欲為還晉載馳詩鄘風四章以下
義取小國有急欲引大國以救助采薇詩
小雅取其豈敢定居一月三捷許為鄭還
不敢安居鄭伯拜謝公為行
經十四年春王正月公至自晉
無傳告于廟

邾人伐我南鄙叔彭生帥師伐邾

夏五月乙亥齊侯潘卒

七年盟于扈乙亥四月二十九日書五月

從赴

六月公會宋公陳侯衛侯鄭伯許男曹伯晉

趙盾癸酉同盟于新城

新城宋地在梁國穀熟縣西

秋七月有星孛入于北斗孛音佩

春秋左傳卷十九 文公 十五 晉占婁

寺慧也既見而移入北斗非常所有故書之

公至自會

無傳

晉人納捷菑于邾弗克納菑側其反

邾有成君晉趙盾不度於義而大興諸侯之師涉邾之竟見辭而退雖有服義之善所興者廣所害者眾故貶稱人

九月甲申公孫敖卒于齊

既許復之故從大夫例書卒

齊公子商人弑其君舍

舍未踰年而稱君者先君既葬舍已即位弑君例在宣四年

宋子哀來奔

大夫奔例書名氏貴之故書字

冬單伯如齊單音善

春秋左傳卷十九 文公 六 管古婁

單伯周卿士為魯如齊故書

齊人執單伯

諸侯無執王使之義故不依行人例

齊人執子叔姬

叔姬魯女齊侯舍之母不稱夫人自魯錄之父母辭

傳十四年春頃王崩周公閱與王孫蘇爭政故不赴凡崩薨不赴則不書禍福不告亦不

書懲不敬也

頃音傾閱音悅懲直升反

奔亡禍也歸復福也懲不敬欲使怠慢者

戒

邾文公之卒也公使弔焉不敬邾人來討伐我南鄙故惠伯伐邾

文公卒在前年

子叔姬如齊昭公生舍叔姬無寵舍無威公子商人驟施於國而多聚士盡其家貸於公

春秋左傳

卷十九

文公

七

齊人

春秋

和古

有司以繼之夏五月昭公卒舍卽位

如音配施去聲

盡津忍反貸音待

驟數也商人桓公子家財盡從公及國之

有司富者貸

邾文公元妃齊姜生定公二妃晉姬生捷菑
文公卒邾人立定公捷菑奔晉

六月同盟于新城從於楚者服且謀邾也

從楚者陳鄭宋謀邾謀納捷菑

秋七月乙卯夜齊商人弑舍而讓元元曰爾
求之久矣我能事爾爾不可使多蓄憾將免
我乎爾爲之

元商人兄齊惠公也書九月從告七月無

乙卯日誤多蓄憾謂不爲君則恨多不免

我言將復殺我

有星孛入于北斗周內史叔服曰不出七年
宋齊晉之君皆將死亂

春秋左傳

卷十九

文公

文

晉書

後三年宋弒昭公五年齊弒懿公七年晉弒靈公史服但言事徵而不論其占固非末學所得詳言

晉趙盾以諸侯之師八百乘納捷菑于邾邾人辭曰齊出獲且長宣子曰辭順而弗從不祥乃還獲俱縛反且子餘反八百乘六萬人言力有餘獲且定公立適以長故曰辭順

周公將與王孫蘇訟于晉王叛王孫蘇

王匡王叛不與

而使尹氏與聃啓訟周公于晉

訟周公訟理之尹氏周卿士聃啓周大夫

趙宣子平王室而復之

平王室使復和親

楚莊王立子孔潘崇將襲羣舒使公子燮與子儀守而伐舒蓼二子作亂城郢而使賊殺

春秋左傳卷十九 文公 十九 晉古婁

子孔不克而還八月二子以楚子出將如商密廬戢黎及叔麋誘之遂殺鬬克及公子燮初鬬克囚于秦秦有殺之敗而使歸求成成而不得志公子燮求令尹而不得故二子作

亂變昔協反守手又反蓼音了還音旋廬力於反戢側立反麋九倫反

莊王穆王子也舒蓼即羣舒二子以楚子出國語曰楚莊王幼弱子儀為師王子燮為傅廬今襄陽中廬縣戢黎廬大夫叔麋

其佐鬬克子儀也鬬克囚秦在僖二十五年殺之敗在僖三十三年成不得志無賞報也傳言楚莊幼弱國內亂所以不能與

晉競

穆伯之從己氏也魯人立文伯穆伯生二子子於莒而求復文伯以為請襄仲使無朝聽命復而不出三年而盡室以復適莒文伯疾而請曰穀之子弱請立難也許之文伯卒立

春秋

卷十九

惠叔穆伯請重賂以求復惠叔以為請許之

將來九月卒于齊告喪請葬弗許已音紀盡津忍反難

乃多反

從己氏在八年文伯穆伯之子穀也命復

而不出不得使與聽政事終寢於家故出

入不書穀之子孟獻子年尚少難穀弟請

葬請以卿禮葬

宋高哀為蕭封人以為卿不義宋公而出遂

來奔書曰宋子哀來奔貴之也

蕭宋附庸仕附庸還升為卿出遂來奔謂

出而待放從放所來故曰遂貴之貴其不

食汚君之祿辟禍速也

齊人定懿公使來告難故書以九月齊公子

元不順懿公之為政也終不曰公曰夫己氏

難乃且反夫音扶已音紀

齊人不服故三月而後定書以九月明經

春秋左傳卷十九 文公 三 晉古虞

日月皆從赴夫己氏猶言某甲

襄仲使告于王請以王寵求昭姬于齊曰殺其子焉用其母請受而罪之冬單伯如齊請子叔姬齊人執之又執子叔姬

昭姬子叔姬齊執單伯恨魯恃王勢以求女故又執子叔姬欲以恥辱魯

經十有五年春季孫行父如晉

三月宋司馬華孫來盟

華孫奉使鄰國能臨事制宜至魯而後定

盟故不稱使其官皆從故稱司馬

夏曹伯來朝

齊人歸公孫敖之喪

大夫喪還不書善魯感子以赦父敦公族之恩崇仁孝之教故特錄敖喪歸以示義

六月辛丑朔日有食之鼓用牲于社

傳例曰非禮也

單伯至自齊

晉郤缺帥師伐蔡戊申入蔡

傳例曰獲大城曰入

齊人侵我西鄙

季孫行父如晉

冬十有一月諸侯盟于扈

將代齊晉侯受盟而止故總曰諸侯言不足序列

十有二月齊人來歸子叔姬

齊人以王故來送子叔姬故與直出者異

文

齊侯侵我西鄙遂伐曹入其郛

郛郛也

傳十五年春季文子如晉為單伯與子叔姬

故也

為子偽反

三月宋華耦來盟其官皆從之書曰宋司馬

春秋左傳卷十九 文公 三 晉左婁

春秋
華孫貴之也公與之宴辭曰君之先臣督得
罪於宋殤公名在諸侯之策臣承其祀其敢
辱君請承命於亞旅魯人以為敏皆從才用反亞於嫁

古之盟會必備威儀崇贄幣賓主以成禮
為敬故傳曰卿行旅從春秋時率多不能
備儀華孫能率其屬以從古典所以敬事
而自重使重而自敬則魯尊而禮篤故貴

而不名耦華督曾孫也督弑殤公在桓二
年耦自以罪人子孫故不敢屈辱魯公對
共宴會亞旅上大夫也耦無故揚其先祖
之罪是不敏魯人以為敏明君子所不與
也

夏曹伯來朝禮也諸侯五年再相朝以脩王
命古之制也

十一年曹伯來朝雖至此乃來亦五年傳

春秋左傳卷十九 文公 二 晉占婁

為冬齊侯伐曹張本

齊人或為孟氏謀曰魯爾親也飾棺寘諸堂
阜魯必取之從之卜人以告惠叔猶毀以為
請立於朝以待命許之取而殯之齊人送之
書曰齊人歸公孫敖之喪為孟氏且國故也
葬視其仲聲已不視帷堂而哭襄仲欲勿哭
惠伯曰喪親之終也雖不能始善終可也史
佚有言曰兄弟致美救之賀善弔災祭敬喪

哀情雖不同母絕其愛親之道也子無失道
何怨於人襄仲說帥兄弟以哭之他年其二
子來孟獻子愛之聞於國或譖之曰將殺子
獻子以告季文子二子曰夫子以愛我聞我
以將殺子聞不亦遠於禮乎遠禮不如死一
人門于句薊一人門于戾邱皆死

寘之鼓反
下皮彥反
為子偽反共音恭己音紀佚音逸說音悅
遠于萬反句七侯反薊莫幸反戾力計反

孟氏公孫敖家慶父為長庶故或稱孟氏

左傳卷十九 文公 三十五 晉古樓

堂阜齊魯竟上地飾棺不殯示無所歸卜
人魯卜邑大夫敖卒則惠叔請之至今期
年而猶未已毀過喪禮取而殯之殯於孟
氏之寢終叔服之言為孟氏且國故為惠
叔毀請且國之公族故聽其歸殯而書之
葬視共仲制如慶父皆以罪降聲已惠叔
母怨敖從莒女故帷堂襄仲欲勿哭怨敖
取其妻惠伯叔彭生兄弟致美謂各盡其

美義乃繼他年二子承敖在莒所生獻于
穀之子仲叔蔑句鯁戾邱魯邑有寇攻門
二子禦之而死

六月辛丑朔日有食之鼓用牲于社非禮也
日有食之天子不舉伐鼓于社諸侯用幣于
社伐鼓于朝以昭事神訓民事君示有等威
古之道也

得常鼓之月而於社用牲為非禮不舉去

盛饌伐鼓于社以責羣陰伐猶擊也用幣于社社尊于諸侯故請救而不敢責之伐鼓于朝退自責天子不舉諸侯用幣所以事神尊卑異制所以訓民等威威儀之等差

齊人許單伯請而赦之使來致命書曰單伯至自齊貴之也

齊人以單伯執節不移且畏晉故許之單

伯為魯拘執既免而不廢禮終來致命故

既而告廟

新城之盟蔡人不與晉郤缺以上軍下軍伐蔡曰君弱不可以怠戊申入蔡以城下之盟而還凡勝國曰滅之獲大城焉曰入之

旋音

新城之盟在前年蔡人不會盟郤缺伐蔡兼帥二軍怠解也勝國絕其社稷有其土

春秋左傳

卷十九

文公

二十七

晉古樓

地曰滅得大都而不有日入

秋齊人侵我西鄙故季文子告于晉

冬十一月晉侯宋公衛侯蔡侯鄭伯許男曹伯盟于扈尋新城之盟且謀伐齊也齊人賂晉侯故不克而還於是齊難是以公不會書曰諸侯盟于扈無能為故也凡諸侯會公不與不書諱君惡也與而不書後也

諸侯謀伐齊以齊執王使且數伐魯齊賂

晉侯不克而還明今不序諸侯不以公不會故書諸侯盟于扈惡受其賂不能討齊諱君惡謂國無難不會義事故為惡不書謂不國別序諸侯後謂後期也今貶諸侯以為公諱故傳發例以明之

齊人來歸子叔姬王故也

單伯雖見執能守節不移終達王命使叔

姬得歸

春秋左傳

卷十九

文公

三

晉古樓

齊侯侵我西鄙謂諸侯不能也遂伐曹入其
郭討其來朝也季文子曰齊侯其不免乎已
則無禮而討於有禮者曰女何故行禮禮以
順天天之道也已則反天而又以討人難以
免矣詩曰胡不相畏不畏于天君子之不虐
幼賤畏于天也在周頌曰畏天之威于時保
之不畏于天將何能保以亂取國奉禮以守
猶懼不終多行無禮弗能在矣

諸侯不能言不能討已討來朝以此年夏
朝無禮謂執王使而伐無罪詩小雅言羣
臣上下不相畏乃是不畏于天詩周頌言
畏天威于是保福祿無禮弗能在為十八
年齊弑商人傳

春秋左傳註卷第十九終

春秋左傳註卷第十九終

春秋左傳註卷第二十一 文十六年 盡十八年

晉 杜 預 註

經十有六年春季孫行父會齊侯于陽穀齊侯弗及盟

及與也

夏五月公四不視朔

諸侯每月必告朔聽政因朝於廟今公以疾闕不得視二月三月四月五月朔也春

春秋左傳註卷第二十一 文公 一 晉左傳

秋十二公以疾不視朔非一也義無所取故特舉此以表行事因明公之實有疾非詐齊

六月戊辰公子遂及齊侯盟于郟邱郟音西

信公疾且以賂故郟邱齊地

秋八月辛未夫人姜氏薨

僖公夫人文公母也

毀泉臺

泉臺臺名毀壞之也

楚人秦人巴人滅庸巴必麻反

冬十有一月宋人弑其君杵臼杵昌呂反白強柳反

稱君君無道也例在宣四年

傳十六年春王正月及齊平公有疾使季文子會齊侯于陽穀請盟齊侯不肯曰請侯君間

齊前年再伐魯魯為受弱故平閒疾瘳

夏五月公四不視朔疾也公使襄仲納賂于齊侯故盟于郟邱

有蛇自泉宮出入于國如先君之數秋八月辛未聲姜薨毀泉臺

先君之數伯禽至僖公十七君毀泉臺魯公以為蛇妖所出而聲姜薨故壞之

楚大饑戎伐其西南至于阜山師于大林又伐其東南至于陽邱以侵訾枝庸人帥羣蠻

以叛楚麋人率百濮聚於選將伐楚於是申息之北門不啓楚人謀徙於阪高為賈曰不可我能往寇亦能往不如伐庸夫麋與百濮謂我饑不能師故伐我也若我出師必懼而歸百濮離居將各走其邑誰暇謀人乃出師旬有五日百濮乃罷自廬以往振廩同食次于句瀝使廬戢黎侵庸及庸方城庸人逐之囚子揚窻三宿而逸曰庸師眾羣蠻聚焉不

如復大師且起王卒合而後進師叔曰不可
 姑又與之遇以驕之彼驕我怒而後可克先
 君蚡宣所以服陘隰也又與之遇七遇皆北
 唯裨僚魚人實逐之庸人曰楚不足與戰矣
 遂不設備楚子乘驛會師于臨品分為二隊
 子越自石溪子貝自仞以伐庸秦人巴人從
 楚師羣蠻從楚子盟遂滅庸

些音于斯反麋九倫反阪音反為
 于委反句古侯反蚡扶粉反陘音刑隰
 音習裨被支反僚直留反仞人慎反

戎山夷也大林陽邱訾枝皆楚邑庸今上
 庸縣屬楚之小國選楚地百濮夷也北門
 不啓謂備中國阪高楚險地百濮乃罷濮
 夷無屯聚見難則散歸往往伐庸也振發
 也廩倉也同食上下無異饌也句滋楚西
 界地戢黎廬大夫方城庸地上庸縣東有
 方城亭窻戢黎官屬復大師謂還復句滋
 師師叔楚大夫潘庭也蚡宣楚武王父陘

隰地名軍走曰北裨儵魚庸三邑魚魚復
縣今巴東永安縣輕楚故但使三邑人逐
之驛傳車也臨品地名隊部也分為二隊
兩道攻之子越鬪椒也石溪仞入庸道從
楚子盟蠻見楚強故傳言楚有謀臣所以

興

宋公子鮑禮於國人宋饑竭其粟而貸之年
自七十以上無不饋詒也時加羞珍異無日

不數於六卿之門國之材人無不事也新
桓以下無不恤也公子鮑美而豔襄夫人欲
通之而不可乃助之施昭公無道國人奉公
子鮑以因夫人於是華元為右師公孫友為
左師華耦為司馬鱗鱓為司徒蕩意諸為司
城公子朝為司寇初司城蕩卒公孫壽辭司
城請使意諸為之既而告人曰君無道吾官
近懼及焉棄官則族無所庇子身之貳也姑

紆死焉雖亡子猶不亡族既夫人將使公田
孟諸而殺之公知之盡以寶行蕩意諸曰盍
適諸侯公曰不能其大夫至于君祖母以及
國人諸侯誰納我且既為人君而又為人臣
不如死盡以其寶賜左右而使行夫人使謂
司城去公對曰臣之而逃其難若後君何鮑
卯反數音朔豔以驗反確
古亂反紆音舒難乃旦反
鮑昭公庶弟文公也羞進也數謂不疏材

人有賢材者桓鮑之曾祖襄夫人鮑適祖
母不可謂以禮防閑華元督曾孫為右師
代公子成華耦為司馬代公子卯子朝為
司寇代華御事壽蕩之子意諸壽之子懼
及懼禍及已姑且也紆緩也不亡族已在
故也君祖母諸侯祖母之稱謂襄夫人行
去也若後君何言無以事後君

冬十一月甲寅宋昭公將田孟諸未至夫人

王姬使帥甸攻而殺之蕩意諸死之書曰宋人弑其君杵臼君無道也文公即位使母弟須為司城華耦卒而使蕩虺為司馬甸徒遍反虺况

反鬼襄夫人周襄王妹故稱王姬帥甸郊甸之帥意諸死之不書不告弑君始例發於臣之罪今稱國人故重明君罪須為司城代意諸虺意諸之弟

經十有七年春晉人衛人陳人鄭人伐宋

自閔僖以下終於春秋陳侯常在衛侯上今大夫會在衛下傳不言陳公孫寧後至則寧位非上卿故也

夏四月癸亥葬我小君聲姜

齊侯伐我西鄙

西當為北蓋經誤

六月癸未公及齊侯盟于穀

諸侯會于扈

昭公雖以無道見弑而文公猶宜以弑君受討故林父伐宋以失所稱人晉侯平宋以無功不序明君雖不君臣不可不臣所以督大教

秋公至自穀

無傳

冬公子遂如齊

傳十七年春晉荀林父衛孔達陳公孫寧鄭石楚伐宋討曰何故弑君猶立文公而還卿不書失其所也

稱不書謂稱人

夏四月癸亥葬聲姜有齊難是以緩

過五月之例

齊侯伐我北鄙襄仲請盟六月盟于穀

晉不能救魯故請服

春秋左傳

卷二十

文公

八

齊侯伐我北鄙

晉侯蒐于黃父遂復合諸侯于扈平宋也公不與會齊難故也書曰諸侯無功也於是晉侯不見鄭伯以爲貳於楚也鄭子家使執訊而與之書以告趙宣子曰寡君卽位三年召蔡侯而與之事君九月蔡侯入于敝邑以行敝邑以侯宣多之難寡君是以不得與蔡侯偕十一月克滅侯宣多而隨蔡侯以朝于執事十二年六月歸生佐寡君之嫡夷以請陳

侯于楚而朝諸君十四年七月寡君又朝以歲陳事十五年五月陳侯自敝邑往朝于君往年正月燭之武往朝夷也八月寡君又往朝以陳蔡之密邇于楚而不敢貳焉則敝邑之故也雖敝邑之事君何以不免在位之中一朝于襄而再見于君夷與孤之二三臣相及於絳雖我小國則蔑以過之矣今大國曰爾未逞吾志敝邑有亡無以加焉古人有言

曰畏首畏尾身其餘幾又曰鹿死不擇音小國之事大國也德則其人不德則其鹿也鋌而走險急何能擇命之罔極亦知亡矣將悉做賦以待於僚唯執事命之文公二年六月壬申朝于齊四年二月壬戌為齊侵蔡亦獲成於楚居大國之間而從於強令豈其罪也大國若弗圖無所逃命晉鞏朔行成於鄭趙穿公壻池為質焉

父音甫不與音預訊音信藏救展反鋌他預反

獮直雷反鞏九勇反質音致

黃父一名黑壤晉地復合諸侯于扈傳不列諸國而言復合則如上十五年會扈之諸侯可知也諸侯無功刺欲平宋而復不能執訊通訊問之官為書與宣子鄭君即位三年魯文二年行朝晉也以宣多之難謂宣多既立穆公恃寵專權減損也難未盡而行言汲汲于朝晉歸生子家名夷大

子名請陳于楚與俱朝晉葢救也救成前
 好燭之武往朝將夷往朝晉密邇比近也
 免免罪也襄謂襄公君謂靈公也孤之二
 三臣謂燭之武歸生自謂也絳晉國都身
 其餘幾言首尾有畏則身中不畏者少音
 所秣蔭之處古字聲同皆相假借德則其
 人言以德加己則以人道相事鋌疾走貌
 言急則欲蔭秣於楚如鹿赴險命之罔極

言晉命無極儵晉鄭之竟言欲以兵距晉
 鄭文二年六月壬申魯莊二十三年六月
 二十四日四年二月壬戌魯莊二十五年
 二月無壬戌壬戌三月二十日獲成于楚
 謂鄭與楚成令號令也趙穿卿也公壻池

晉侯女壻

秋周甘歆敗戎于邠垂乘其飲酒也

歆昌欲反邠音

沈

歃周大夫邾垂周地河南新城縣北有垂亭為成元年晉侯平戎于王張本

冬十月鄭大子夷石楚為質于晉

夷靈公也石楚鄭大夫

襄仲如齊拜穀之盟復曰臣聞齊人將食魯之麥以臣觀之將不能齊君之語偷臧文仲有言曰民主偷必死

偷猶苟且

有八年春王二月丁丑公薨于臺下

秦伯瑩卒

無傳未同盟而赴以名

夏五月戊戌齊人弑其君商人

不稱盜罪商人

六月癸酉葬我君文公

秋公子遂叔孫得臣如齊

書二卿以兩事行非相為介

春秋左傳

卷二十

文公

十三

晉占婁

春秋

冬十月子卒

先君既葬不稱君者魯人諱弑以未成君書之子在喪之稱

夫人姜氏歸于齊

季孫行父如齊

無傳

莒弑其君庶其

稱君君無道也

傳十八年春齊侯戒師期而有疾醫曰不及秋將死公聞之卜曰尚無及期惠伯令龜卜楚邱占之曰齊侯不及期非疾也君亦不聞令龜有咎二月丁丑公薨

戒師期將以伐魯尚庶幾也欲令先師期死令龜以卜事告龜君亦不聞言君先齊侯終令龜有咎言令龜者亦有凶咎見於卜兆為惠伯死張本

春秋左傳

卷二十

文公

十三

魯古樓

齊懿公之為公子也與邠歆之父爭田弗勝及即位乃掘而刑之而使歆僕納閭職之妻而使職驂乘邠音丙歆昌欲反掘其月反刑音月驂七南反刑之斷其尸足僕御也驂乘倍乘

夏五月公游于申池二人浴于池歆以扑扶職職怒歆曰人奪女妻而不怒一扶女庸何傷職曰與刑其父而弗能病者何如乃謀弑公納諸竹中歸舍爵而行齊人立公子元

扑音卜反扶救乙反舍音捨

公游申池齊南城西門名申門齊城無池唯此門左右有池疑此則是扑筆也扶擊也欲以相感激刑其父而弗能病言不以父刑為病恨舍爵而行謂飲酒訖乃去言齊人惡懿公二人無所畏公子元桓公子惠公

六月葬文公

春秋左傳

卷二十

文公

十四

魯古婁

春秋
秋襄仲莊叔如齊惠公立故且拜葬也

和古

襄仲賀惠公立莊叔謝齊來會葬

文公二妃敬嬴生宣公敬嬴嬖而私事襄仲
宣公長而屬諸襄仲襄仲欲立之叔仲不可
仲見于齊侯而請之齊侯新立而欲親魯許
之屬音燭

叔仲惠伯

冬十月仲殺惡及視而立宣公書曰子卒諱

之也仲以君命召惠伯其宰公冉務人止之
曰入必死叔仲曰死君命可也公冉務人曰
若君命可死非君命何聽弗聽乃入殺而埋
之馬矢之中公冉務人奉其帑以奔蔡既而
復叔仲氏

惡大子視其母弟殺視不書賤之以君命
召謂詐以子惡命惠伯死不書者史畏襄
仲不敢書殺惠伯復叔仲氏謂不絕其後

春秋左傳卷二十 文公 十五 齊古樓

夫人姜氏歸于齊大歸也將行哭而過市曰
天乎仲為不道殺適立庶市人皆哭魯人謂
之哀姜過古亦反

姜氏惡視之母出姜也嫌與有罪出者異
故復發傳所謂出姜不允於魯

莒紀公生大子僕又生季佗愛季佗而黜僕
且多行無禮於國僕因國人以弑紀公以其
寶玉來奔納諸宣公公命與之邑曰今日必

授季文子使司寇出諸竟曰今日必達公問
其故季文子使大史克對曰先大夫臧文仲
教行父事君之禮行父奉以周旋弗敢失隊
曰見有禮於其君者事之如孝子之養父母
也見無禮於其君者誅之如鷹鷂之逐鳥雀
也先君周公制周禮曰則以觀德德以處事
事以度功功以食民作誓命曰毀則為賊掩
賊為藏竊賄為盜盜器為姦主藏之名賴姦

春和
之用為大凶德有常無赦在九刑不忘行父
還觀莒僕莫可則也孝敬忠信為吉德盜賊
藏姦為凶德夫莒僕則其孝敬則弑君父矣
則其忠信則竊寶玉矣其人則盜賊也其器
則姦兆也保而利之則主藏也以訓則昏民
無則焉不度於善而皆在於凶德是以去之
昔高陽氏有才子八人蒼舒隕斃禱戴大臨
危降庭堅仲容叔達齊聖廣淵明允篤誠天

稽古樓

下之民謂之八愷高辛氏有才子八人伯奮
仲堪叔獻季仲伯虎仲熊叔豹季狸忠肅共
懿宣慈惠和天下之民謂之八元此十六族
也世濟其美不隕其名以至於堯堯不能舉
舜臣堯舉八愷使主后土以揆百事莫不時
序地平天成舉八元使布五教于四方父義
母慈兄友弟共子孝內平外成昔帝鴻氏有
不才子掩義隱賊好行凶德醜類惡物頑嚚

春秋左傳

卷二十

文公

十七

卷五十七

不友是與比周天下之民謂之渾敦少皞氏
有不才子毀信廢忠崇飾惡言靖譖庸回服
讒蒐慝以誣盛德天下之民謂之窮奇顛頑
有不才子不可教訓不知語言告之則頑舍
之則嵩傲很明德以亂天常天下之民謂之
檮杌此三族也世濟其凶增其惡名以至于
堯堯不能去緡雲氏有不才子貪于飲食冒
于貨賄侵欲崇侈不可盈厭聚斂積實不知

不友

稽古

紀極不分孤寡不恤窮匱天下之民以比三
凶謂之饕餮舜臣堯賓于四門流四凶族渾
敦窮奇檮杌饕餮投諸四裔以禦魍魎是以
堯崩而天下如一同心戴舜以爲天子以其
舉十六相去四凶也故虞書數舜之功曰慎
徽五典五典克從無違教也曰納于百揆百
揆時序無廢事也曰賓于四門四門穆穆無
凶人也舜有大功二十而爲天子今行父雖

春秋左傳

卷二十

文公

十八

卷二十

未獲一吉人去一凶矣於舜之功二十之一

也庶幾免於戾乎佗徒河反鷹於陵反鷗之然反隕徒回反數五才反

精音桃戡以善反危莫江反狸力之反器魚

巾反比毗志反渾丁本反敦徒本反皞胡老

反很戶墜反杭五忽反蘇古本反饗徒

力反餐他結反螭救知反魅亡備反

紀號也莒夷無諡故有別號僕未見公而

文子出之故來不書則以觀德則法也合

法則為吉德處猶制也度量也食養也誓

要信也毀則壞法也掩匿也賄財也器國

用也主藏之名以掩賊為名賴姦之用用

姦器也有常無赦謂刑有常誓命以下皆

九刑之書九刑之書今亡還猶周旋北域

也度居也高陽帝顓頊之號八人其苗裔

蒼舒至叔達等此即垂益禹皋陶之倫庭

堅即皋陶字齊中也淵深也允信也篤厚

也愷和也高辛帝嚳之號八人亦其苗裔

伯奪至季狸等此即稷契朱虎熊羆之倫

家火左傳卷二十 文公 十九 晉古樓

肅敬也懿美也宣徧也元善也濟成也隕
隊也后土地官禹作司空平水土即土地
之官揆度也成亦平也契作司徒五教在
寬故知契在八元之中內諸夏外夷狄帝
鴻黃帝醜亦惡也比近也周密也渾敦謂
驩兜渾敦不開通之貌少皞金天氏之號
次黃帝崇聚也靖安也庸川也回邪也服
行也蒐隱也匿惡也盛德賢人也窮奇謂

共工其行窮其好奇詭善也頑德義不入
心器不道忠信禱杙謂鯀禱杙頑凶無禱
匹之貌堯不能去方以宣公比堯行父比
舜故言堯亦不能去須賢臣而除之縉雲
黃帝時官名冒亦貪也盈滿也實財也非
帝王子孫故別以比三凶貪財爲饕貪食
爲餮舜臣堯舜爲堯臣賓四門謂闢四門
達四聰以賓禮眾賢流四凶案四凶罪狀

而流放之投棄也裔遠也放之四遠使當
螭魅之災螭魅山林異氣所生爲人害者
微美也與常也此八元之功百揆時序此
八愷之功無凶人謂流四凶大功二十舉
十六相去四凶也舜功二十之一庶免於
戾史克激稱以辨宣公之惑釋行父之志
故其言美惡有過辭蓋事宜也

宋武氏之族道昭公子將奉司城須以作亂

十二月宋公殺母弟須及昭公子使戴莊桓
之族攻武氏於司馬子伯之館遂出武穆之
族使公孫師爲司城公子朝卒使樂呂爲司
寇以靖國人

文公弑昭公故武族欲因其子以作亂司
城須文公弟戴族華樂也莊族公孫師也
桓族向魚鱗蕩也司馬子伯華耦也穆族
黨於武氏故出武穆之族公孫師莊公之

孫樂呂戴八公之曾孫爲宣三年宋師圍曹
傳

春秋左傳註卷第二十終

